

第三十七冊目錄

(民國)濟寧縣志

法制略	一
自治篇	一
文獻略	三
職官篇	三
登進篇	四
人物篇上	六
人物篇下	一五
(咸豐)金鄉縣志略	
職官	二九
選舉	六四
列傳	九五
漢	
三國·魏	一〇一
晉	一〇四
南朝宋	一一一
唐	一一四

明

列傳二

清朝

忠義傳

列傳三

列女

節烈傳

(光緒)嘉祥縣志

職官志

選舉志

附續志

人物志

儒林

人物

名宦

孝義

列女上

列女下

藝文志

(光緒)魚臺縣志

一一七

一二八

一二八

一六五

一七七

二四三

二四九

三一八

三六六

四〇三

四〇八

四二〇

四二三

四二七

四四〇

四五〇

職官表.....四六三

宦蹟

選舉志.....五七二

歷代選舉表

辟薦.....五九〇

仕籍表.....六一五

封贈.....六二七

人物志.....六五三

事功

孝義.....六七八

文行.....六九四

清尚.....七一四

耆碩.....七一一

流寓.....七二九

金石志.....七三二

(康熙)續修汶上縣志

續職官志.....七三五

選舉.....七五四

續宦蹟志.....七七〇

續人物志.....七七一

(光緒)新修荷澤縣志

學校.....七八七

選舉.....七九〇

職官.....八〇〇

人物.....八二一

藝文.....八六三

自治篇

議會為立法機關東西各國皆有之蓋所以擴張自治之精神而為
強國之本者也縣於清季即設立人民國仍接續舉行癸丑歲解散
國會而縣議會亦即停止然在當時固行之有年矣其章程具在可
覆按也茲僅將縣議事會參事會城議事會董事會當選人姓名備
列之其衆議院議員省議會議員亦悉載於篇

正議長

王謝家院選為衆議院議員周啟寬選補

副議長

趙懷梅選為省議會議員王清堂選補

濟寧縣志

卷二

七十二

議員

杜振元 李為興 張汝椿 王德元 胡振聲 孫肇沛

陳德新 王問堂 丁允中 蔡述泰 張淑倫 王貽晉

時調元 王峻山 趙璧 郝廣銘 趙潤卿 秦咸宜

參議員

周隆欽

張伯樂 秦我卿 王幼亭 呂慶圻 馬蘭溪 史魯卿

鮑寬廷 秦運舫 邊輔丞

右縣議事會參事會

城議事會董事會在鐵塔寺院

正議長

楊毓泗

副議長

王壽嶽選為衆議院議員李其莊選補

議員

程榮山 王宗騷 劉廣助 劉汝嚴 李彤漢 白慶餘

徐桂森 蔣為榕 楊慶麟 冷慶堯 沈棠 孫祖蔭

米壽昌 袁培 張寶書 孫培泰 呂慶圻 王樸

張秉智

總董

王壽嶽選為省議會議員潘守廉選補

陪董

濟寧縣志

卷二

七十三

董事

李秀庚

高為漢

名譽董事

王誠 孔慶春 劉錫綸

右城議事會董事會

衆議院議員

王謝家 袁景熙 呂慶圻

右歷屆衆議院議員姓名

省議會議員

趙懷梅 王壽嶽 李振綸 郭煥圖 郝鳳城 李賜驥

孫 房 呂德鎮

右歷屆省議會議員姓名

道立自治講習所附工業學堂內民國九年成立十年停辦

所長張慶源

縣立自治講習所在東學民國十二年成立十三年停辦

所長劉崇勳

法治研究所在西學民國十四年成立

所長郝毓瀨

地方自治籌備處在鐵塔寺後院民國十三年成立

所長呂德鎮 劉崇勳 李其莊

右自治各機關

濟寧縣志

卷二

法團

七十四

濟寧縣志卷之三

文獻略 職官 藝文

循吏儒林尚已而官斯土者舊例有題名記是宜書若夫人才蔚起後先相望膺寵命登仕版榮施閭里文武分途亦宜記載及之至於此邦耆宿暨儒寓名流之嘉言懿行與夫婦女之賢孝節烈可以爲當時表率者什伯中間有一二其身雖歿其名猶存表而出之以興起百世之頑懦當亦採風問俗者所心許也志文獻第三

職官篇

親民之官昔稱父母今日公僕其等差異亦勞逸殊也總之愛吾民者民皆尸祝反是則時過輒忘焉卽題名有記亦奚裨是所仰望於官斯土者民脂民膏其庶幾念之乎

濟寧縣志 文獻略 卷三

莊洪烈江蘇武進縣人清宣統三年任人民國仍繼任

孔慶璫膠縣人民國元年任

田中玉直隸臨榆人元年由兗州鎮守使兼任

汪聲玲安徽涇縣人二年任是年改爲岱南觀察使

馮汝驥二年代理

鄒道沂聊城人二年任

賈景德山西沁水人三年任是年改爲濟寧道尹

鄧際昌江蘇如皋人四年任

陸榮棠浙江桐鄉人六年任

張慶雲直隸滄縣人八年任

王鴻遇直隸臨榆人十一年任

以上道尹

朱猛元年任

張敬承臨清人二年三月任

徐德源直隸清苑人三年十月任

卞宗彬江蘇武進人六年一月代理

盧潤書江寧人六年二月任

金榮桂奉天蓋平人七年二月任

阮忠模安徽合肥人八年七月任

周禮江蘇丹徒人十一年六月任

項葆楨浙江瑞安人十二年四月任

朱名炤京平人十三年十月任

濟寧縣志 文獻略 卷三

熊仕昌安徽鳳陽人十四年一月任

王家相安徽巢縣人十四年五月代理卒於任

李樹萱單縣人十四年七月護理

徐毅安徽懷寧人十四年七月任

以上縣知事

李秀峯禹城人二年任

卞敬敷萊蕪人三年任

許鴻祥蒲臺人四年任

以上管獄員

黃紹冉濮縣人元年任

毛時年曹縣人二年任

李建中歷城人二年任

李成泰直隸深澤人四年任

石錫麟江蘇金壇人六年任八年卒於任所

李襄廷歷城人八年任

盧蔭榮滋陽人十二年任

孔憲喬曲阜人十二年任

以上一等警佐

朱彭壽歷城人元年任

周延芳濮縣人二年任

曲慎修長山人三年任

劉淑平諸城人六年任

濟寧縣志 卷三 文獻部

三

周士彥朝城人六年任

邵光久京兆人九年任

于迺鐸平度人十年任

張捷歷城人十一年任

柳圭璋恩縣人十二年任

丁元珪齊河人十二年任

以上二等警佐

右職官

登進篇

古者取士或以德進或以事舉或以言揚原不限於一途此盛世所以有破格用人之說也民國肇造人材蔚起自一命以上實不乏人茲依舊例悉著於篇

靳雲鵬果威將軍陸軍總長國務院總理

潘復財政部總長

熊炳琦山東省長河南省長

唐柯三濟南道尹

薛慶崧察哈爾興和道尹

許鍾璐清光緒丙午優貢歷官河南湯陰知縣光小信陽縣知事山東

政務廳廳長濟南道尹膠東道尹紙烟特稅督辦

濟寧縣志 卷三 文獻部

四

高延文山東省會警察廳廳長兼警察處處長

王元瑞清光緒丁酉拔貢歷官河南太康舞陽知縣山東萊陽縣知事

山東全省銀行監理官

王元璐清光緒甲辰進士歷官四川懋功撫民同知高縣知縣山東利

津海陽江蘇東臺縣知事

王鴻山東財政廳廳長

李文鼎清附生北京大學畢業獎給舉人授學部司務薩拉齊縣知事

劉振邦福建水上警察第四署署長

李汝謙清附生泰安縣知事

袁景熙清附生塞北關監督

李恩賜清附生河南寶豐縣知事

林雲圖清附生東洋師範畢業歷官綏遠五原雲南巧家縣縣知事

高贊堯高密縣知事

張璋惠民縣知事

王墀江西安福縣知事

王琦僑務局總務處第三科科長署僉事津浦鐵路統捐總局總辦北

京憲兵司令少將督戰司令

傅思德直隸蔚縣知事

許義華山東第四監獄典獄長

王毓芝烟酒公賣署督辦

鮑樹銘江西高等檢察廳首席檢察官

孫高蔭甘肅花定權運局局長

濟寧縣志 卷二 文獻志

邢同泰商河縣知事

李毓義清附生濟寧水上警察一等警佐

常之英江蘇淞滬警察廳廳長現升旅長

呂德錄浙江海洲蘆瀝場知事

呂德銘青城長山縣知事

劉光鼎浙江慶元縣知事

李作霖高密縣知事

李汝訥臨沂縣知事

王宗驥陸軍部主事兗濟道尹兼濟寧縣知事武定道尹兼惠民縣知

事

劉廣助天津造幣廠監督

于喆候選縣丞

于牲陝西候補縣丞

右文職

潘矩楹將軍府將軍綏遠都統航空署署長

靳雲鶚陸軍第十四師師長

靳雲鶴陸軍二等軍需正

張殿如直隸護軍使

徐鴻賓曹州鎮守使第三旅旅長

王毓幹步軍統領衙門副官處副官

吳修雲江蘇督軍公署副官

孫憲武山東第五師副官

濟寧縣志 卷三 文獻志

閻相文陝西督軍

夏鴻勛陸軍第四師騎兵第四團第一營營長

史九元陸軍第七師步兵第十三旅第二十六團第二營營長

聶慶恭陸軍第十師步兵第十九旅第四十團第一營營長

沙泰昇陸軍第十二師步兵第二十四旅第四十八團第三營營長

張守鎮陸軍第十混成旅步兵第一團第一營營長

崔鳳桐吉林陸軍第一混成旅步兵第二團騎兵第二營營長

李家鼎暫編浙江陸軍第三師步兵第四旅第八團第三營營長

孫振聲山東第五師第十八團第三營營長

袁文棟魯軍兵站司令陸軍少將

李淑明清增貢生魯軍兵站監部文牘主任現職陸軍中校

劉長勝福建第二師第四旅旅長福建漳同警備司令陸軍中將

潘守蒸湖北陸軍第一混成旅旅長

潘守勳營長

何國華陸軍中將統領演蒙宣慰觀城縣知事濟寧縣知事

右武職

濟寧縣志

卷三 文獻

七

人物篇

詩有云高山仰止景行行止雖不能至心嚮往之蓋以前賢之矩矱有足爲後人興起感發者濟寧人文蔚起甲於他郡國體變後二三遺老大率皆閉門斂跡不與人間事間有出爲世用者又中道而隕不克大顯而其遺言往行有足縷述是不可以不傳也用備列之俾爲此邦人士之所矜式云爾

許鎮業字靜齋號象山生而穎異事親以孝聞早歲入庠序食廩餼歲科試輒列前茅開門授徒成就甚衆其教授弟子務求實際雖研究畢業而於經史均使能各得其門徑因之一經陶冶無不掇科名如拾地芥卽有踰躍者亦各能造一藝以成名是以邑之人多使其子弟從游焉晚年好書畫花木尤酷好奇石每得一石輒不惜重價購置之雖境

濟寧縣志

卷三 文獻

九

遇蹇澀泊如也其樂天知命者與年八十有七卒著有象山詩集姪述助廩貢生鍾琦優廩生鍾琳增生鍾璐清光緒丙午優貢歷任河南湯陰知縣入民國任光山信陽縣知事山東政務廳長濟南道尹膠東道尹俱從受業者

王延釗字鏡航州志進士戶部福建司郎中允善子延釗幼劬於學弱冠游庠卽隨宦京師以鴻臚寺序班攝直內廷習知掌故旋升鳴贊主簿轉吏部司務度支部主事性至孝其父暮年多病每冬觸發嘗百日而後差延釗听夕不解帶亦如之如是者五年夙好吟詠晚興益豪於學貴求實際宋以前史皆數過自箸亦多於史爲近已刊者有如諫果室叢書庚辛之際月表通行於世國體變後遂不復出其子謝家膺衆議院議員首先提議祀天尊孔兩案蓋皆本庭訓以立言者亦可以見

其所志矣年七十有六卒卒之後清廷以勲節教忠堅貞沒世追賞二品頂戴子謝家光緒癸卯科舉人丁未會考以主事用人民國被選爲衆議院議員燕晉附生山西大學堂教習薦任職孟留學美國畢業航空署機械科廠長楊航空署科長

夏聯鈺字笠舟晚號蝸叟先世自魚臺遷居濟寧遂家焉幼聰篤喜讀書心慕先賢風節家固不豐入鄉塾攻苦甚力光緒七年成進士以知縣分河南文舉卓然見稱於大府三爲河南鄉試同考官得士甚盛祥符馮忠愍汝駉其尤著也初授郟縣令甫下車卽延士民殷殷問疾苦而徵科撫字之暇課士尤勤去之日士民攀送至泣下丁酉冬調任武陟陟濱黃沁固所稱爲繁劇者也蒞陟之明年劉學韓中丞傳節至邑昇以昭信股票諭募七千金武陟適蒙黃沁之災民多惻窘乃捐俸餘

濟寧縣志

卷三

九

代輸不以強民中丞嘉之上其事蒙獎叙復以黃沁兩河防守功保獎以知府用在任候補直隸州乙巳再調太康出俸建舍收孤貧失業者教以工藝時政令日益繁心弗憚乃亟引歸性孝友丁母憂幾以哀毀晚年推產於兄弟無所憾遇後進陶鎔獎勸殷殷若弗及雅嗜古學推闡義理之說出入漢宋下至金石文字篆刻書畫之屬莫不精研卒年七十有四著有詩文集藏於家子鍾澆字箕泉廩貢生由中書科中書改同知分發豫河清宣統元年以孝廉方正徵入都按七品以上官例不朝考因未與試改捐郎中分農工商部派農務司行走歷充承值所譯電員宣防科副科長生平精於小楷善古文辭每不自存稿故無可掇拾云先五年卒孫詒枝候補通判

劉延坦字平甫性至孝父病听夕侍疾未嘗輟食難父歿哀毀倍至因

是左頰患癰幾穿甚危光緒二年舉於鄉時家中落以筆耕奉母甘旨遠道厚聘者俱以母春秋高辭家益困十六年成進士以知縣分湖北三充鄉試同考官有以關節言者力卻之時大府欲以釐差獎延坦以釐金困商病民意主革除堅辭不就庸是見重於張文襄公之洞歷官蒲圻監利知縣沔陽知州兼理沔陽衛其治蒲圻也首重課士期年文風爲之不變善平反冤獄而於水災旱荒視之尤重以之民鮮流徙其捐資興費辦育嬰堂籌修義渡振興茶務設養正文社教授貧民子弟士民咸利賴之比奏補監利適紅匪散布鄂湘交界蒲圻之新店臨湘之沅潭皆被焚掠蔓延至距縣城六十里之朱河鎮延坦冒雨馳往殲其魁而脅從罔治人心大定三十年奉檄辦學堂延坦捐廉以倡遂建築校舍延聘教習招選合格學生先立高等小學堂復極力推廣是以

濟寧縣志

卷三

十

監利學堂較荆屬七邑開辦獨早成績亦最良三十一年調署沔陽知州兼理沔陽衛地處江漢之間素稱澤國先是道光年間江隄潰田畝沈歲徵銀米不及原額之半光緒朝沈田漸復而里書中飽仍援舊案延坦銳意釐剔之國賦頓增復維持地方創辦警察數月以後市鎮較盛之區亦籌款設局旋以大木林江泛出險派委勘工各估其數延坦所估甚簡少藩委以調語中傷之遂調回監利本任適武昌兵起遂解組歸民國紀元任章邱縣知事其時新政繁興延坦悉心籌畫迎機立辦嗣以年老去職生平不惑神鬼之說獨好積書多至四十萬卷於治河方略頗具卓見性素肫篤好施予有濟寧黃氏女嫁于黃陂陳氏夫故家人逼改適延坦爲籌養贍給旅費歸其女于濟寧以全其節此尤其最著者年七十有八卒子鵬程察哈爾西陽河性捐局局長鵬翥湖北

襄陽縣桃湖煙酒公賣所所長鵬翮臨清徵收局委員孫紹詩京兆財政廳統計科科長紹禮山東第三模範監獄第二科看守長

潘矩健字康甫一字亢阜別號樹秋附監生前志附監生候選州判選鼎子矩健生有異稟讀書過目成誦八歲能屬文十三歲能爲詩賦見者率以大器許之補諸生後游幕河南武陟長葛開封南陽諸縣南陽傅鳳颺開封寶子常兩太守豫撫于次棠中丞爭相延致中丞于公且與訂忘年交旋游毘陵閉門課子以岑春煒太守攝眉州篆函招往不獲辭乃抵眉州時以鐵路收歸國有全蜀騷然匪徒更乘間竊發眉地當衝要城守兵單爲匪所陷矩健爲之計畫赴省乞援卒以克復旋城又被圍矩健復深慮熟籌盡殲賊衆城圍乃解民國肇造入岱北道夏繼泉觀察暨泰武將軍靳雲鵬將軍幕及應東三省陳子光揚由關李濟寧縣志卷三

文徵

十一

又塵監督之召陳李均靳公屬察風器矩健李師事之比靳將軍雲鵬以陸軍總長兼國務院總理辟矩健爲院諮議以年老不果往乃俯就第三區稽征局局長駐兗州嗣以兗州兵變波及於局公私款項囊括一空請移局濟寧許之乃局甫成立遽遭疾卒矩健生性孝友父病親侍湯藥衣不解帶者數年父卒哀毀過甚葬事畢家人環勸始稍稍節哀焉生平於文事之外兼精岐黃蓋得自庭訓也嘗有前後漢拾遺三卷九父詩草二卷

劉嗣瑞字壽人年十六丁外艱摺拄家事因廢帖括服闋入賞以東河同知分充沂曹濟道候委爲長潘兩觀察所倚任歷任河督均器其才委修濟寧石佛新店運河兩堤挑濬新開等河增卑倍薄疏濬導流漕運便利河渠遠近田廬茂收各安其業其管營務處辦濬澤買莊黃河

大工均以勞動聞比委署祥河同知駐黃河北岸陳家鎮岸低湍高素稱險要每遇河流盛漲吏民惶駭莫知所爲嗣瑞履任後相度情形預爲儲備經歷三汛獲慶安瀾先後在籍襄辦修城築圩賑濟平糶團練防河保甲巡警事疊膺保薦錫三品封典加三品銜補缺後以知府用及同知期滿得代急請回籍時應輪補實缺泊然不顧也性尚謹淵然而靜與人處胸無城府不以賢智先人宅西偏舊有潤園邑人夏聯鉅爲之記鑄石而陷諸壁藏書甲濟上披覽不倦時有考證朱墨爛然日親筆硯松雪體得其精神其風雅自好類如此卒年七十有七子宗勳廩生鴻臚寺序班先卒宗書附生直隸候補知縣署永定河北七工主簿北河固安縣丞工書善畫山水游京師每畫一幅得者輒視爲寶焉後數年亦卒宗綸增生分省補用縣丞

濟寧縣志卷三

文徵

十一

傳承勳字拙軒清光緒二十三年舉人揀選知縣於興學育才每視爲當務之急適漁山校士館成立即膺承勳爲坐辦時議設中學舊在兗郡嗣以濟寧適中移至濟寧承勳襄建學堂厥勞尤勤開學即充本堂監督兼教習旋充山東學務公所專門科科員查兗濟兩屬學務及泗水兗州等處學堂無不實事求是在省創辦女子師範學堂工竣充本堂總理民國紀元回里仍充濟寧中學校校長凡校中章程有條不紊胥由手定焉

李寶琛原名毓琛字琳卿又字蕉園州志舉人聯壇孫承楷子寶琛幼警悟七歲授以陶詩能知大意未冠遍讀十三經爲文章下筆千言立就年二十補博士弟子員有聲單研經史旁及諸子百家兵算醫筮之書皆能挾其秘奧自抒心得尤喜爲古今體詩出入唐宋各家不拘拘

於一格論者推爲鄉人萊陽宋按察德州田巡撫之亞匹迺負才不遇
屢不得志於有司壯歲以後棲遲幕府周游秦楚豫皖徧覽終南太華
黃山白嶽及歐浦泉唐諸名勝俯仰古今悲歌慷慨意氣浩浩如也嘗
著匡時萬言書貫通新舊之學批卻導繁而挈要視趙天麟金鏡策
無多譴焉惜當時無知音者故不獲見之實用也其子繼沆官刑曹就
養京師與張振卿總憲劉博泉徐花農兩侍讀延子澄學士听夕過從
以詩相倡和一時名公鉅卿爭以一見顏色爲幸輦轂之下推爲藝林
宗匠世變後還鄉里葛巾芒屨隱居明湖不與外事接後以繼沆游宦
河南迎養至大梁遭疾卒寶琛劬於學好誘掖後進前後從游者多知
名士口講指畫恒涸盡不休疏解羣經奧旨參以古今時變多發前人
未發之蘊學徒怡然服膺無數以爲各有所得也生平勇於行善每
濟寧縣志卷三 文獻

十三

歲除日躬率厮僕囊金徧游閭巷間聞有嗟嘆者卽贈以金錢俾資度
歲其他周人急難償友通負解衣推食不可殫述著有味古齋文集詩
集詩話揚芬集讀書質疑莊子偶評等書惟詩集已刊子繼沆清光緒
二十年進士刑部直隸司員外郎

蔣祖仁字心泉清光緒十一年拔貢十九年舉人在籍教授生徒被其
教育者多傑出其主講嶧縣金鄉書院時孜孜講授一以敦品勵行爲
歸厥後南游開封適杞縣高等小學堂成立重其才延聘爲教習既又
任淮寧縣兩等學堂教習所至有聲人民國卽歸里以文字自娛著有
詩古文辭藏於家子述啟清廩膳生

鄭學銳字揆一州志東河督標中軍都司德興子學銳性敏悟能文善
書童試未得志遂入伍逾年經東河督標馬協鎮占堃保送東河督轅

差次爲歷任河督器重而李制軍子和尤加賞識越級提升由外委拔
補千總光緒十三年鄭州險工決口之前數日暴雨直傾伏水漲發學
銳在工守堤防險七晝夜倦不得息及河流成災河工欽差李文正委
派監修口岸勤勞經年大工合龍後回標到任旋升本標左營守備又
遷城守營僉書都司兼署左營參將調升充鎮標台莊營參將治兵餘
暇卽尋孔顏樂處以習字爲生趣常自撰聯訓子云勿多事切勿惰事
不沽名敢不顧名卽此可見其概矣二十九年政治改革減裁標營員
缺遂意辦地方公益創立本地農桑公會大有成績宣統二年歲饑
兵荒人心惶恐本城紳商謀練義勇以資保衛學銳不避困難不辭勞
瘁民團成立四境乂安年六十有七因勞疾卒子崇恩附貢生鴻臚寺
序班河南縣丞保舉知縣

濟寧縣志卷三 文獻

十四

楊毓泗字潤東少穎敏未冠補博士弟子員清光緒二十年鄉試中副
車二十九年舉於鄉明年聯捷成進士館選授翰林院庶吉士留學東
洋三年歸考列優等加侍講銜毓泗爲文素尚質樸而一以實用爲歸
平時留心掌故於古今因革利弊考核甚詳留東後講求政治學富於
經驗每有所得輒筆之於書時朝政維艱衆流並進一以張皇補苴爲
事不能於根本上悉心籌畫因之其說未見諸施行宣統元年諮議局
成立被選爲諮議局正議長凡關於民生利害者無不刻意求之必得
其當而後已而於黃河之除弊興利及錢糧改折事尤慷慨言之其論
佐貳擅受詞訟武職干預公事州縣輕入人罪均洞見當世之癥結民
國肇造應綏遠藩都統矩楹辟出爲贊襄軍務主張軍民分治未嘗一
以權自私嗣以北方苦寒體不適歸里門任濟寧地方辦公處事創設

因利局歲有增益因重修太白樓及浣筆泉諸古蹟至今猶煥然一新
年五十六卒著有世界經濟政策須知二卷藏於家

王壽嶽字牧園附生州志江西瀘溪縣典史恩授子壽嶽七齡失怙事
嫡母生母以孝聞性慈善先是西南關舊有救火會久廢弛壽嶽募捐
巨款增修器械整飭規條頗為便利清宣統初籌辦地方自治充自治
研究所教員尋充中學堂監督城議事會成立被選為副議長建議整
頓巡警及禁烟賭各案又復變通種植改良農器修繕土圩環栽杞柳
凡關於地方者言無不盡三年春飢提議倡辦平糶躬親督率勞怨不
辭又因惠濟粥廠期短地狹廣募賑捐遷移普照寺搭蓋席棚收養婦
孺延至登麥始行撤廠全活甚多民國紀元盜劫盡起壽嶽組織民團
不遺餘力城董事會成立被選為總董復當選為第一屆省議會議員

濟寧縣志

卷二

文獻考

十五

分任實業股於通省利弊多所指陳惜享年不永四十有六卒子贊綸
第一高等小學校畢業生

呂慶圻字同輔性孝友幼劬於學弱冠游庠鄉闈屢試不售遂入賞為
部郎清宣統元年開制科應孝廉方正徵鄉里益重之生平好施與於
地方善舉胥首先提倡庚戌歲饑出貲平糶全活無算辛壬之際潰兵
土匪乘機竊發一夕數驚慶圻邀集官紳辦團防禦卒以化險為夷其
設錢業公所及與邑人袁景熙李其莊潘復等上書請願爭津浦路綫
功雖未竟而克濟支路即基於此實為地方商務絕大之關繫民國六
年被選為衆議院議員入院後選舉常任委員於實業股當選凡所連
署建議悉關國計民生如援陝軍費歸中央開支以恤災黎與順濟高
徐路借款及中國銀行發行新鈔票暨滬會開議爭普通選舉各案莫

不連同署名其提議直隸山東河南山西陝西安徽江西湖北四川等
九省附加稅一律不得再征又復於半年二字力為爭執此尤足以減
輕人民負擔者所惜奔走國事未竟其施卒以積勞而遽殞也子德鎮
熱心公益有父風現充濟寧籌辦自治處處長德鎮以薦任職分直隸
德錄歷任浙江海沙蘆灘場鹽知事

李振綸字慕廬州志乾隆壬辰進士汾州府張蘭鎮同知元坦曾振振
綸少有文名年二十以冠軍入邑庠逾年補廩佩鄉試屢荐弗售遂棄
舉子業游幕江南會其時倡行新政振綸居蘇垣購新書閱之留心
時事并肄業各大書院一時知名士咸以文字結交焉返里後適城議
事會成立被選為董事會董事迄設商會又被選為商會董中學堂
新立聘為國文教習宣統元年考歲貢以縣丞分江蘇民國肇造被舉

濟寧縣志

卷三

文獻考

十六

為山東省議會議員期滿都督周自齊委充全省民團籌備總所調查
科科長旋又兼委密查吏治調查水災監督改組農會同時水利副總
裁潘復又委兼調查湖田疏濬各事宜繼以時勢日非不願久居政治
旋過日與二三知己詩酒優游而於地方公益仍勞怨不辭卒年六十
著有詩文向不存稿亦大半遺佚矣子毓誠清附生濟寧水上警察署
一等警佐毓樞樞濟寧道視學浙江嚴州查驗局總務主任

劉汝巖字子玉性純篤少失怙事繼母孝能友愛以故數十年無違言
幼敏于學弱冠應試冠軍入邑庠宣統元年開制科以孝廉方正徵明
年朝考一等以直隸州州判分安徽旋以不樂外任改授員外郎分民
政部警政司時各省正創辦警察多所贊襄國體改革遂里旋辦理地
方公益被舉為商會會長濟寧地方辦公處董事警察所警董遇事竭

誠聲畫勞瘁弗辭與楊太史毓泗高孝廉爲漢修浣筆泉太白樓諸名勝其才長於實業創設麵粉廠及電燈公司皆與焉嗣又在濟南組織豐大銀行以期流通金融山東省長屈映光聞其賢聘爲高等顧問財政部部長潘復聘爲金融討論會會員其見重於當時若此卒年僅五十八人咸惜之子遇謙濟寧煙酒公賣局局長次年亦卒

呂慶坡字亦東附貢生賦性孝友有幹濟才援例以知縣用歷任順天懷柔永清直隸平山等縣所至有政聲上憲咸器之父母卒後遂致仕家居有勸其復出者乃喟然曰仕進原爲悅親耳今雙親見背何必復勞形案牘耶卒年五十七歲子德銘歷任青城長山縣知事德鏤省議會議員

劉元鳳字儀卿一字藜青幼失怙恃性聰穎讀書日誦千言補諸生後

濟寧縣志

卷三

文苑

十七

藉筆耕以養祖母甘旨必豐光緒二十年舉於鄉以鹽大使分兩淮宣統三年歸里民國紀元就本省督署幕紀載敏捷久思歸隱適得濟寧湖田局局長優游里弄仍以詩文自娛終其身著有晚香閣詩存青藜文集

戈相臣字漢卿父步全字錦和以軍功保記名提督歷充銘字馬隊管帶銘軍營務處徐防統帶相臣幼有遠大志年十七卽投入安徽淮軍其後迭立戰功保膺副將洊升至警衛軍幫統駐軍縣民國二年白匪猖獗蹂躪曹屬一帶相臣嚴設防禦保全單邑三年白匪又犯邊境相臣奮力痛擊追勦至河南虞城縣境以匪衆兵單遂及於難時年三十七歲軍縣士紳不忘其功設主從祀於葉公祠弟懷叙字蘭亭由江蘇陸軍隨營學校畢業在江防軍效用因剿匪出力成績卓著保膺都司

銜實職守備旋充安武軍連長駐防定遠縣民國六年皖省塵氛囂張各縣兵民皆欲響應懷叙嚴防軍隊固結人心而定遠卒以無恙惟位卑任重責無旁貸操心慮患昕夕不分遂以積勞致疾卒年三十二歲孫遵酉字筱山清光緒三十年歲貢續州志光緒元年舉人歷官泰安海豐霑化訓導職符子遵酉生而穎敏幼能得大父母歡十歲失恃擗踊哭泣如成人少長親承庭訓劬於學比冠有聲庠序間旋以優等食餼卽設教家街於孤寒之士不受修脯且時給以紙筆費俾得以砥行而成名居恆爲文專講理法尙樸實每下一語務求鞭辟入裏不屑屑於時趨嗣從王爾充輝祖李芳堦爲蘭兩先生游復研詞章之學賦麗以則詩淡而遠能自成一言言乃困躓秋闈屢薦未售遂棄帖括而肆力於古文蓋知時文之無益於學也性孝友失恃後事繼母如母終身

濟寧縣志

卷三

文苑

十八

無間言弟遵善幼西教之讀經寓嚴於寬以愛爲教其後弟善年未及冠卽與子啟葆同歲補博士弟子員鄉里稱爲盛事遵酉耽玩經史兼愛右軍及率更令書凡有求者罔應因之讀書餘暇酷好臨池舍是二者無他嗜若地方事自有生以來從未一干預而家訓綦嚴其子若弟無敢有稍逾尺寸者晚年益好爲詩每與中表李鄰卿學泌相倡和興到時常對酌以爲樂又以其祖春泰設立支祠凡對於尊祖敬宗事未或有怠容邇年族人公議修譜西任編輯尤勦焉其所謂不出家而成教也與年六十有六卒著有心聲集叢桂吟館存稿藏於家子啟葆清附生曾任本縣第二高等小學校校長教育會會長

孫維璧字宿來號隔民清附貢生候選州判父肇熙附貢生中書科中書出使日本大臣參贊官性嚴毅好施子咸豐季年歲大饑首出積粟

以餉餓者戚友稱貸不立證券從未責償尤好客日恆數十人族嫗之待以舉火者衆雖歲用不贍泊如也維壁生有至性九歲失恃哭泣如成人年十三丁繼母憂一如居母喪時耆老咸驚異之少聰穎親承庭訓每屏息侍未嘗有惰容晚年其父病肝鬱動輒不懌維壁在側恒怡顏解慰必待氣平色霽然後踴躍徐退雖鵠立竟日不懈其日奉甘旨必豐必腆艱難窘迫率以一身擔拄之而於庶母弟五人均友愛備至卽有時家庭之間偶處逆境仍一以順受人皆歎爲難能平居讀書喜會通羣經大義不屑爲章句之學諸子百家博涉約取恒得神解尤愛讀左氏春秋司馬遷史記及李杜韓蘇諸家之詩弱冠入邑庠學使陸文端公期以遠到顧性不喜舉子業復以其父多疾不忍遠離數罷鄉試比光緒庚子辛丑併科備中不售益絕意進取嗜吟詠平生懷抱一

濟寧縣志

卷三 文獻志

十九

寄之於詩意致深遠逼近少陵工書翰不規一家於右軍率更誠懸永興諸派均得其神韻於宋好東坡山谷兩家亦間及篆隸興至偶爲之不輕作尤篤好金石書畫鑒別之精見推當代嘗出游京津間壽州相國孫文正公慕其學行隆先施之禮將延之幕府未幾謝歸民國四年蔡巡按使儒楷以知事保薦旋擬委署某邑力辭之先後任山東提學使署省視學山東圖書館幫辦金石保存所坐辦及勸業道署實業司署省長公署濟南道署科長主稿祕書與湘潭羅順循提學正鈞昆明蕭紹庭觀察應椿最爲莫逆十餘年來關於教育林壑農商漁牧吏治各要政多所貢獻而建設山東圖書館並設金石保存所保全國粹尤多其整頓圖書館之旨趣恒於致友人書中見之略謂國學以文字爲託始文字以金石爲後亡藉此搜討叢殘略存梗槩惟事當創始諸待

擴充而淵海宏深搜羅未備四部僅列子目不分是曰守殘缺陷一也精鏐華臚購求不易但期備格無藉校訛是曰因陋缺陷二也譜錄之學提要爲先僅誌卷函未詳著錄是曰計簿缺陷三也私家撰述多就沈寢訪鑿無方闕幽乏術是曰多佚缺陷四也云云時論題之他如查辦沂水金礦工人滋事案籌備膠萊各縣災民移往東三省屯墾事皆計畫周列鉅細靡遺是以羣情翕服而事無紛擾其所謂才大心細者與年六十餘卒著有可廬文集詩集及關於考訂金石書畫者若干種子房清附生優級師範選科畢業獎給師範科舉人分省任用薦任職山東省議會議員翼山東專門商業學校預科畢業山東教育廳事務員胃山東中等工業學校畢業師範講習所畢業山東省立製錦市小學校教員

濟寧縣志

卷三 文獻志

二十

郭潤畬字芸樵少嗜學補諸生後旋食廩儉清同治十三年會考選拔錄取充貢明年朝考一等以知縣分浙江歷任劇缺并充釐金局差歸里後私蓄毫無依然儒素蕭然環堵閉戶讀書數十年來從未干預外事品端學粹鄉里稱之晚年境遇益窘而堅忍自甘不屑向人道隻字其所謂處脂不潤安貧樂道者與

孫培益字勵堂一字漁傭州志乾隆四十年進士體仁閣大學士兩江總督王庭來孫父肇彬早卒時培益年未十歲賴母氏孔教養成立培益生而穎異蚤歲讀書卽貫徹羣經擅長詞賦尤工四六駢體酷嗜尤西堂文集年十八入邑庠旋食廩儉經古試屢冠其曹偶督學尹銘綬拔置溧源書院與邑人李毓梅邊鳳墀同有名於時其後毓梅鳳墀均以優貢獲雋鳳墀旋舉於鄉而培益於光緒二十九年鄉試僅中車宣

統初就直隸州判職分安徽遭改革卽杜門不出生平侍養大母及其母最孝母卒後請於朝得旌表又嚴督兩弟培頤培升讀均有聲譽序間培升旋以優行貢成均家居無事輒手一卷群書插架度牀幾無容膝處日寢饋其中而不知倦精於醫不輕爲人診視然施治輒愈歲辛酉修邑志培益與焉時總纂爲唐照青刑部垣相處最得攷據故事商榷體例厥功尤多嗣唐總纂回籍繼其事者爲徐庚生農部金銘與培益鄉榜同年時聚談議論風發輒輒互相倡和每更漏三下猶未已也乃毓梅署青城卒於任鳳墀客死於江南唐總纂烜自濟寧歸里一年餘卒徐總纂金銘於甲子夏初亦卒培益聞耗以其有老母在堂暇扼腕唏噓擬爲之壽後事詎不一月而培益竟以猝病卒年僅四十有九詎天之將喪斯文耶是亦大可哀已培益著作甚多向不存稿近其弟

濟寧縣志

卷三 文獻

十一

培頤培升於故紙堆中從事掇拾或者什得其一二云

劉錫綸字社民性恬淡幼好學弱冠游庠旋食廩餼光緒十一年副貢翌年入都考取正黃旗教習及國史館膳錄二十年舉於鄉春闈報罷議敘鹽大使蒞官兩淮督修梅花嶺時艱務苦窳商電云瘡因上書改變鹽法當事者題之檄署豐利場事適荒早饑民攫食錫綸嚴申禁令出粟賑濟澆風頓戢又以額電多停煎特寬積負更增桶價救濟之並捐廉設粥廠興修貞節育嬰兩堂時淮南各場多兼理民政錫綸片言折獄絲棼立解旋改批驗所大使又一年補伍祐場大使場臨鹽漬鹽捕與梟匪相滋擾錫綸辦團防獲鹽梟則開誠勸導遇有梗頑難化者始寬之法更捕桀黠之營兵依法懲治之而地方以安後錫綸淡於仕進遂乞退僑寓揚州肆志山水扁舟展齒探索殆徧宣統初徇伍祐神

耆請重履舊治甫一載武漢首義地方倣擾錫綸集市民會議以保境安民爲宗旨而鄰場多糜爛伍祐獨幸免民國初元辭職歸闕宅西隙地爲小園蒔花種竹婆娑其中間以書畫經卷自娛非地方公益及要政不與焉而於利弊得失經所舉畫討論胥能批卻導竅云錫綸夙治經於易書詩爾雅尤詳箋疏注釋丹鉛幾徧并致力於詩古文辭晚年猶不廢吟詠年七十有五卒子廣勛天津造幣廠監督

張謇堂字吉人清附生幼而勤學補諸生後好博覽羣書而於靈樞素問尤能探其奧因之有病伏於隱微爲人所不能道者謇堂一一能言之家設藥肆遇極貧者往往不計值歲活人無算然不以醫名舊有樓三楹額曰待月暇常讀書於其中居里門素以廉介自守嘗語人云智欲圓而行欲方吾輩當準此以爲則故居恒取與不苟厥後蘭山縣知

濟寧縣志

卷三 文獻

十一

縣葉明府大可東撫胡中丞建樞聞其賢禮辟之遂佐治以終焉

姜永煊字煦生捐貲以知縣分河南工書尤精漢隸善畫山水花卉有聲於時子厚本陸軍中尉於畫頗得其家法

查景綬字星階順天宛平縣人父篤歷官捕河通判泉州河通判續州志官蹟有傳景綬幼隨宦濟寧遂僑居焉少聰穎從邑人李琳卿先生寶琛游熟於音韻訓詁之學因而發之於詩琳卿先生素知醫故景綬又兼通醫學屢獲秋闈薦輒不售因納粟以運判分浙江供差屯溪分卡期滿得代辛亥政變遂挂冠歸先是江寧吳邦賢創設惠濟粥廠篤與其事篤卒後景綬能繼父志歷辦十餘年積羨額四千餘金因樹碑以記之居恒留心掌故一意搜求先輩著述而集錄之於濟寧軼事及河上變遷之跡瞭如指掌家藏古書畫尤多著有詩本音諸書見藝文志

中
以下

楊耀林字鏡軒直隸清苑縣人生而穎異弱冠入邑庠清光緒五年舉於鄉明年聯捷成進士以知縣分湖南告近改山東歷官青城蓬萊濰縣聊城日照蘭山嘉祥鄆城知縣莒州知州並賞戴花翎三十二年捐升道員加二品銜仍分山東補用洎以時事日非遂無意仕進僑居於濟焉耀林服官數十年胥愛民如子民亦視之如慈父母其治日照時適仇教事起德召兵偪居縣署需索煩苛海口時有兵艦游弋聲言須盡數禽獲兵始退而是時要犯已遠颺其未逃者胥諸多牽制邑紳呂啟業等又爲所虜去將以之爲質事頗棘手耀林據理與德督葉世克力爭議將邑紳釋回重建教堂而其事遂寢至蒞鄆城則境以內民衛雜處時值有屯田繳價之通令衛民聚衆反抗集合濟寧衛屯包圍州濟寧縣志卷三

文獻卷

二十二

署東撫委臬司尙其亨赴鄆捕渠魁耀林不動聲色潛將首犯捕交衛民恐其株連也遂集衆數千圍縣城耀林登陴以殲厥渠魁曾從罔治告衆遂散之二事其保全無算也晚年家居蒔花種樹怡然自得邑人舉行九老會與爲地方有善舉皆贊襄之不少倅道院之國民學校其所創建也暇輒潛修大道靜坐養神其殆有隱君子之風歟卒年七十有一子文蔚候選知縣先一年卒

姚光浚字南泉浙江餘杭縣人清光緒十七年舉人會典館謄錄議叙知縣分山東歷任德平齊河平陰黃縣博平福山知縣所至有惠政戶尸祝之解組後僑居於濟地方有大善舉胥捐款仗助不少吝生平精岐黃得神解蓋傳之家學云

鄭慶萱字蘭溪江蘇江甯縣人歷任鄆縣惠民章邱縣知事多惠政於

鄆爲最久去官後僑居於濟對於地方公益胥有捐助而生平儉以自守布衣蔬食泊如也其治鄆時匪勢正猖獗慶萱勦除甚力城賴以全濟寧與比鄰亦陰受其福鄆觀察際昌稱爲能吏有以也它如冬季放粥及棉衣貧民尤沾其惠而設孤貧院捐俸以益其不足尤爲人所難能邑北宿官莊兩村當白馬河之衝每山水暴發則禾麥漂流盡爲沙澱民多有以逋賦而轉徙者慶萱親詣履勘廉得其實詳請巡按使將兩村十三頃地永錫國賦經部核准著爲例民尤德之城西北隅舊有官地撥給十餘畝創辦林業遍植雜樹以爲森林基礎又於山岡及城外隙地悉種植無遺至今鬱鬱葱葱猶然滿目也其軼事最膾炙人口者則修復三烈墓事考明季之亂鄆城失陷邑令朱迴沃暨前令黃天經學博陳善行先後死難葬於邑北關外邑厲壇之側清順治二年縣濟寧縣志卷三

文獻卷

二十四

令莫儒立碑表墓厥後年代湮遠碑石無存而墓亦墟矣慶萱遍爲採訪始得其墓址因封墓種樹勒石以記之此表孤忠於數百年後尤爲不世之創舉也惟性亢直遇事骨鯁敢言不屑屑於模稜兩可遇不善者嫉之如仇不少貸故用法尙嚴雖去官不顧也其強項令之儒歟年六十餘卒歿之前數日親卜兆域身後之事無不備似若有前知者亦可異已

右列傳

人物篇下

名節尙已自晚近不講此僅恃一二婦人女子撐拄之亦云傷矣而忍聽其湮沒乎邑之已旌婦女均載州續志矣其未旌及業經民國褒揚者悉隸於此編區分別類悉依前例他日誌書告成彙敘事蹟願請褒獎建祠勒石俾以流傳亦於世教有裨正不僅煒茲彤管已也

李孝女名元根父公海早亡元根矢志不嫁事繼母以孝聞後因繼母多病不茹葷年四十歲卒

蔣孝女振麟女因父母乏嗣無人事奉遂矢志不嫁終日事鍼黹以助家用現年五十三歲

曹孝女候選縣丞承恩女其母右目失明已久復患目疾女恐左目復濟寧縣志卷三 文獻 二十五

失明卽成殘廢乃焚香籲天割股以進其母左目愈而右目亦復原其孝能格天乎

張孝女茂貴女事親以孝聞誓不嫁父母有疾卽祈天祐父母歿殯葬如禮年九十餘卒

李孝女割股療父母終身守貞不嫁

王肇芳妻張氏姑病篤氏割股進病遂愈

薛慶崙妻曹氏候選縣丞承恩女姑患喉結割股並藥進姑病遂愈

趙培信妻陶氏光第女姑體素弱病年餘氏日以乳奉姑姑病愈

高鵠妻曹氏候選縣丞承恩長女姑患噎病危氏割股和和藥進病愈

李孝章妻高氏三品封典世芳女姑患病氏割股和藥進病愈

李朝陞妻高氏鵬女姑年老患病危氏割股進病愈

高天浚妻賈氏家甚貧夫以負債外出不歸翁老氏孝事無倦容翁歿喪葬如禮教子成立動儉自守家稍裕夙負盡償現年七十餘

以上孝婦孝女都十二人

高鵬妻翟氏永安女夫患病危氏割股進病愈

陸軍少將高鶴妻文氏雲漢女夫患喉勢危險割股和藥進病愈

孫高明妻王氏十七歲于歸甫一月夫病割股進數次未愈夫故守節楊士賢妻張氏十八歲于歸二年夫故割股煎藥進未愈夫歿守節

以上賢婦都四人

傅貞女永祥女許字孫未出嫁孫亡貞女聞之泣下數行矢志不嫁其父母及鄰里勸之貞女誓死不從遂守節現年四十六歲

周貞女附生維屏女許字附貢生徐元泰之子爲忠爲忠故女守貞五

濟寧縣志卷三 文獻 二十六

十四歲卒

蘇貞女發女許字王春元十七歲春元故矢志守貞六十二歲卒

以上貞女都三人

李貞烈女十六歲許字李文玉未嫁文玉故女自縊

屈貞烈女許字杜大爲之子未嫁杜氏子亡女聞信卽自盡墓在兩城南有碑

周貞烈女許字王氏子年十六未嫁王氏子亡心常抑鬱聞葬有期卽於前一日仰藥死王氏聞耗迎柩歸合葬焉邑人孫遵酉作詩紀其事

以上貞烈女都四人

河標城守營儘先額外丁淑鴻妻張氏寶善女年二十五歲夫故殉

袁建恩妻牛氏培垣女十六歲適袁十九歲夫故苦志守節憂慮成疾